



sVogelnest.. auf www.pommi1.de

Vogelnest....☺

An am Sonntag

**1.An am Sonntag, i woäß no wia heit
do hot mi spazieren gehen g'freit
und weil mir hoid nix a so g'foid,
drum geh i glei naus ind´n Woid.**

2.Und wia i hoid do au so geh
da bleib i a kleins bissle steh
do schau an eim Baum i hinauf
und seh a kloans Vogelnest drauf.

3.I denk mir do kraxelst hinauf
und nimmst dir des Vogelnest aus
ja s'kraxeln war gar net so schwer
doch leider war's Vogelnest leer.

4.Und wie i im Baum droben sitz
vom Kraxeln a kloans bissl schwitz
a Liebespaar kommt ganz im Traum
und setzt sich grad unter mein Baum.

5.I war auf meim Baum mucksmeiserlstill
hab g'horcht was der Liebhaber will
sie küssen sich ganz im Spaß
und i hab geschleckt wia a Goaß.

6.Dann nimmt er sie glei bei der Hand
und sagt ihr so allerhand
"schau" sagt er "i hab di recht gern
du muaßt moi mei Weiberl no wer'n.

7.Auch sie nimmt ihn dann bei der Hand
und sagt ihm so allerhand

"Schau schau" sagt's "au i hab di gern
doch wer soi unsre Kinder ernähr'n.

8."Schau" sagt er "i bin ja a Christ
wie und du vom selben Glauben bist
vertrau'n ma hoid drobn auf den Herrn,
der soi unsre Kinder ernähr'n."

9.Do schrei i glei nab von dem Baum
"Bagasch ihr,schleichts eich fei hoam,
I soi eure Kinder ernähr'n"
Wart's ab und i zoag eich dort droben den den Herrn!"

10.Die zwoa san vor Schrecken ganz stumm
han gmoant daß der Herrgott scho kommt
san grennt über Stock über Strauch
i hab g'hoid'n vor Lachen mein Bauch.

sVogelnest.. auf www.pommi1.de